

**LASARTE-ORIAKO UDALAREN KIROL-INSTALAZIOAK GARBITZEKO LANAK PROZEDURA IREKIAN, ESKAINTZA EKONOMIKOKI ONURAGARRIENAREN ARABERA ETA ADJUDIKAZIOKO HAINBAT IRIZPIDEREN ARABERA KONTRATATZEA ARAUTUKO DUTEN KLAUSULA ADMINISTRATIBO PARTIKULARREN AGIRIA.**

**1.- KONTRATUAREN XEDEA.**

Kontratuaren xedea Lasarte-Oriako kirol-instalazio municipalak garbitzeko zerbitzua ematea da, Preskripzio Teknikoen Agiriaren arabera, zeinetan zehazten baitira zein kondiziotan eman behar den zerbitzua.

**2.- ADJUDIKATZEKO PROZEDURA ETA FORMA.**

Kontratua prozedura irekian, eskaintza ekonomikoki onuragarrienaren arabera eta adjudikazioko hainbat irizpideren arabera adjudikatuko da, Sektore Publikoko Kontratuen 30/2007 Lege urriaren 30ekoak (SPKL) 141.etik 145.era bitarteko artikuluetan eta 134.etik 136.era bitartekoetan xedatzen duenaren arabera.

**3.- ESPEDIENTEAREN TRAMITAZIOA.**

Kontratazioko espedientea arrunta izango da, SPKLko 93. artikuluan ezarritakoaren arabera.

**4.- KONTRATUAREN FINANTZAZIOA.**

Lasarte-Oriako kirol-instalazio municipalak garbitzeko zerbitzuaren prestazioa, kontratu honen xedea dena, Udalaren 2008rako Aurrekontuko 1.0503.227.01.452.00.2008 kontu-sailaren kargura finantzatuko da.

**5.- LIZITAZIOKO OINARRIA.**

Kontratuaren gehienezko prezioa ehun eta hogeita hemeretzi mila eurokoa izango da urteko (**139.000,00 euro urteko**), BEZa barne. Prezio hori honela desglosatua geratzen da: balio estimatu 119.827,60 euro eta Balio Erantsiaren gaineko Zerga 19.172,40 euro.

Prezio horren barruan sartuko dira kontratuaren ondorioz sortzen diren era guztietako gastuak eta zergak.

Lizitatzailleak bere eskaintzan sartuko du zerbitzu bereziaren orduko prezioa (BEZa barne).

**6.- KONTRATUAREN IRAUPENA ETA PREZIOEN ERREBISIOA**

1.- Kontratuaren iraupena hiru urtean finkatu da, dagokion kontratu administratiboa izenpetzen den egunetik hasita, betiere SPKLak 279. artikuluan ezartzen dituen epeak errespetatuz.

Kontratuaren iraupena, hala badagokio, urtebeteko epeetan luzatu ahalko da, alderdiek adostasunez horrela hitzartzen badute, baina gehienez ere urtebeteko 3 luzapen egin ahalko dira.

2.- Lizitatzailleek, eskaintzak aurkezterakoan, kontuan izan beharko dituzte lehenbiziko urtean merkatuko prezioen lehia eta gorabeherak, kalkulatu egin beharko dituzte horren kostuak, eta begiratu egin beharko dira inflazioaren gorakadatik. Horrenbestez, ez da kontenplazten periodo horretan prezioak errebisatzerik.

3.- Lehenbiziko urtea igarotakoan, hurrengo urtaldietako prezioa errebisatu egingo da, zerbitzua ematen hasitako egunaren aurreko hamabi hilabeteetan Kontsumoko Prezioen Indizeen Sistemaren estatuko indize orokorrak izan duen gorabeheraren portzentajearen arabera.

## **7.- PAGATZEKO ERA.**

Emandako zerbitzuen fakturazioa hilabeteka egingo da. Abonamendua egin aurretik, kontrataturiko enpresak faktura zehaztu bat aurkeztu beharko du, zeinetan adieraziko baitu zein kontzeptugatik egiten duen, bai eta Udalak eskatzen dion beste edozein kontzeptu ere. Prestazioaren konformitatea jasotakoan, faktura ororen pagamendua 30 egunera egingo da, faktura Udaleko Interbentzioko bulegoetan erregistratzen den egunetik kontaktzen hasita.

## **8.- KONTRATATZEKO AHALMENA.**

Lasarte-Oriako Udalarekin kontratatu ahalko dute obratzeko gaitasun osoa eta kaudimen finantzarioa eta teknikoa edo profesionala duten pertsona natural edo juridiko espainiar zein atzerritarrek.

Inolaz ere ezingo dute Udalarekin kontratu SPKLko 49. artikuluan aurreikusitako zirkunstantzietakoren batean aurkitzen diren pertsonak.

Eskaintza aurkeztu ahal izateko bete beharreko baldintza izango da, halaber, lizitatzaillearen helburuak edo garatzen duen jarduerak kontratuaren xedearekin zuzeneko erlazioa izatea, haren estatutuetan edo fundazioko arauetan adierazten denaren arabera, eta behar bezala akreditzea ezen badaukala organizazio bat kontratua behar bezala exekutatu ahal izateko beharrezko diren elementu material eta pertsonalak dituena.

## **9.- SAILKAPENA.**

U taldea. Zerbitzu Orokorrak.

1. Azpitaldea. Garbiketa orokorreko zerbitzuak  
A kategoria.

## **10.- PROPOSAMENAK.**

Proposamenak sekretuak izango dira, eta, horretarako, izaera hori lizitazio publikoaren unera arte bermatuko duten bitartekoak arbitratuko dira. Proposamenak aurkezteak berekin darama ezen enpresak baldintzarik gabe onartzen duela Klausula Administratibo Partikularren Agirian eta Preskripzio Teknikoen Agirian ezarritako guztiaren edukia.

Dokumentuak euskaraz edo gaztelaniaz idatzita aurkeztu beharko dira. Dokumentuen jatorrizkoak beste hizkuntzaren batean idatzita badaude, bi hizkuntza horietako batera egindako itzulpen ofizialarekin batera aurkeztu beharko dira.

Lizitazaile bakoitzak ezingo du proposamen bat baino gehiago aurkeztu. Banakako proposamena aurkeztu badu, ezingo du beste batzuekin aldi baterako elkartuta beste proposamenik aurkeztu, eta ezingo da aldi baterako batasun bat baino gehiagotan agertu.

Proposamenak hiru gutun-estalki itxitan aurkeztuko dira, eta honako inskripzio hau eraman beharko dute: "Lasarte-Oriako kirol-instalazio munizipalen garbiketako zerbitzua emateko". Halaber, proposamena aurkezten duen enpresaren izena ere adierazi beharko da. Gutun-estalkien barruan, honako agiri hauek sartu beharko dira:

### A) 1 zenbakia daraman gutun-estalkian:

#### **A.1)**

**I.1)\_** Sailkapenaren ziurtagiri nahikoa eta iraungi gabea aportatu beharko da.

**I.2)\_** Enpresa sailkapenaren zain badago, horretarako eskaera aurkeztu izanaren sinestamendua aportatu beharko du, eta beharretsitako sailkapenaren jabe dela justifikatu beharko du, dokumentazioko akatsak edo hutsuneak zuzentzeko ezarritako epean.

**I.3)\_** Enpresariaren eta, hala badagokio, haren errepresentazioaren pertsonalitate juridikoa akreditatuko duten agiriak.

Pertsonalitatea honela egiaztatuko du:

1.- Enpresa pertsona juridikoa bada, aski duke eraketaren edo aldaketaren eskritura aurkeztea, Merkataritzako Erregistroan inskribatua, baldin eta betebeharrak hori eskakizun badu aplikatzeko zaion merkataritzako legediaren arabera. Horrela ez bada, obratzeko gaitasunaren akreditazioa enpresa eratzeko eskritura edo dokumentuaren bidez edota estatutuen edo fundazioko aktaren bidez egin beharko

du. Horietan agertu beharko du zein arauk erregelatzen duten enpresaren jarduera, eta, beharrezkoa denean, dagokien Erregistro Ofizialean inskribatuak egon beharko dute. Enpresa ez espainiarren kasuan, Europako Komunitateko estatu kideetakoak edo Europako Espazio Ekonomikoaren Akordioa sinaturiko estatu etakoak badira, erregistroetako inskripzioaren bidez akreditatuko dute, edota Administrazio Publikoen Kontratuen Legearen erregelamendu orokorreko I. eranskinean era honetako kontratuetarako adierazten diren ziurtagiriak aurkeztuz.

Europako Komunitateko kide ez diren estatu etako gainerako enpresari atzerritarrek Administrazio Publikoen Kontratuen Legearen Erregelamendu Orokorrak (1098/2001 EDL) 10. artikuluan ezartzen dituen moduen bitartez akreditatu beharko dute obratzeko gaitasuna badutela.

2.- Enpresa indibiduala bada, Nortasunaren Agiri Nazionala edo dagokion estatuko agiri baliokidea aurkeztu beharko du.

3.- Besteren izenean agertzen direnek edo proposamenak besteren izenean sinatzen dituztenek DNlaren kopia eta horretarako ahalorde askietsia aurkeztuko dituzte. Enpresa pertsona juridikoa bada, ahalordeak Merkataritzako Erregistroan inskribatua agertu beharko du.

Dokumentu horiek denak jatorrizkoetan aurkeztuko dira, edo, bestela, Udaleko Idazkariak edo fede-emaile publiko eskudunak behar bezala konpultsatutako kopietan.

**I.4) Erantzukizunezko deklarazio espresa,** I. Eranskinean ageri den ereduaren arabera, zeinetan adieraziko baitu ez duela kontratatzeke debekurik, SPKLko 49. artikuluen arabera, eta, gainera, egunera dagoela indarrean dauden xedapenek ezarritako betebeharrak tributariorik eta segurantzaren sozialarekikoak betetzeari dagokionez.

**I.5)** Atzerriko enpresek beste deklarazio bat aurkeztu beharko dute, zeinetan adieraziko baitute beren buruak Espainiako edozein mailatako Epaitegi eta Auzitegien jurisdikzioaren mende jartzen dituztela kontratutik zuzenean edo zeharbidez sor litezkeen gorabehera guztietarako, eta, hala badagokie, uko egiten diotela lizitatuzaileari legokiokeen atzerriko barrutiko jurisdikzioari.

**I.6)** Enpresa bat baino gehiago lizitaziora enpresen aldi baterako batasuna eratuta aurkeztzen

badira, batasuna osatzen duen bakoitzak akreditatu beharko du bere obratzeko gaitasuna eta solbentzia, aurreko puntuetan ezarritakoaren arabera, eta, aldi baterako batasunaren solbentzia teknikoa determinatze aldera, metatu egingo dira batasuneko kide bakoitzaren ezaugarri akreditagarriak, betiere 1098/2001 Errege-Dekretuak 52. artikuluan ezartzen duena alde batera utzi gabe. Orobat aurkeztu beharko dute proposameneko idatzi bat, zeinetan adieraziko baitituzte sinatzen duten enpresen izenak eta zirkunstantziak, enpresa horietako bakoitzak duen partaidetza, eskubideak egikaritzeko ahalorde askietsia izango duen ordezkari edo ahalordedun bakarraren izendapena eta, adjudikatario gertatuz gero, aldi baterako batasuna formalki eratzeko eta kontratutik datozen obligazioak betetzeko konpromisoa.

**I.7)** Kontratisten Erregistro Ofizialak eginiko ziurtagiria aurkezteak, baldin haren eskumen-eremuak Euskadiko Komunitate Autonomoa hartzen badu, hartan jasotzen diren dokumentuak aurkeztetik dispentsatuko du.

A.II)

Sailkatu gabeko enpresa atzerritarrek, I.1 puntuan zehazturiko dokumentazioaren ordeztu, hurrengo agiri hauek aurkeztu beharko dituzte:

**II.1)** Solbentzia ekonomiko eta finantzarioaren justifikazioa. Enpresariaren solbentzia ekonomiko eta finantzarioa modu hauetariko batean edo batzuetan akreditatu ahalko da:

- Entitate finantzarioen deklarazio egokiak edo, kasua hala bada, arrisku profesionalengatiko kalte-ordainen aseguru baduelako sinestamendua. Urteko kontuak, dagokien Erregistro Ofizialean edo Merkataritzako Erregistroan aurkeztuak. Kontuak Erregistro Ofizialean aurkeztera obligatuak ez dauden enpresariak, egiaztatze modu alternatibo gisa, kontabilitateko liburuak aportatu ahalko dituzte, behar bezala legezkotuak.
- Negozioen bolumen globalari buruzko deklarazioa eta, hala badagokio, kontratuaren xedeari dagozkion jardueren esparruko negozioen bolumenari buruzkoa, gehienez ere azken hiru urtaldietako dagokiena, betiere enpresaren jarduerak sortu edo hasi zireneko dataren arabera eduki ditzakeenak, negozio-bolumen horren erreferentziak eskura dituen neurrian.
- Baldin eta, arrazoi justifikatuengatik, ezin baditu eskatutako erreferentziak eman, administrazioak nahikotzat jotako beste edozein dokumentazioaren bidez akreditatu ahalko du solbentzia ekonomiko eta finantzarioa.

## **II.2) Solbentzia teknikoaren justifikazioa.**

Solbentzia teknikoa ondoko dokumentu hauetakoren bat edo batzuk aurkeztuz akreditatuko du:

- Azken hiru urteetan egindako zerbitzu edo lan nagusien lista, zeinetan jasoko baitu haien zenbatekoa, datak eta destinatario publikoa edo pribatua. Egindako zerbitzuak edo lanak, destinatarioa sektore publikoko entitate bat denean, organo eskudunak egindako edo oniritzia emandako ziurtagirien bidez akreditatuko dira, edo, destinatarioa subjektu pribatu bat denean, hark egindako ziurtagiri baten bidez edo, ziurtagiri horren ezean, enpresaburuaren deklarazio baten bitartez; kasu horretan, ziurtagiri horiek zuzenean kontratazioko organoari komunikatu dizkio agintaritza eskudunak.
- Kontratuan parte hartuko duten teknikarien edo unitate teknikoaren aipamena, enpresakoak izan edo ez, bereziki kalitatearen kontrolaz arduratzen direnena.
- Instalazio teknikoaren deskripzioa, enpresak kalitatea kontrolatzeko darabiltzan neurriena eta estudiorako eta ikerkuntzarako enpresak dauzkan medioena.
- Enpresariaren edo enpresako zuzendaritzako pertsonalaren titulazio akademikoak eta, bereziki, kontratua gauzatzeaz arduratuko den pertsonalarenak.
- Enpresariak kontratua gauzatzean ingurumena kudeatzeko aplikatu ahalko dituen neurrien aipamena.
- Enpresak azken hiru urteotan izan duen urteko batez besteko enplegatu-kopuruari eta zuzendaritzako pertsonalaren garrantziari buruzko deklarazioa, dagozkion sinestamenduekin batera.
- Lanak edo zerbitzuak gauzatzeko eskueran edukiko dituen makineria, materiala eta ekipo teknikoa adieraziko dituen deklarazioa, zeini erantsiko baitizkio dagozkion sinestamenduak.
- Enpresak, behar izanez gero, kontratuaren zein parte azpikontratatzeko asmoa duen adieraztea.

**B) 2 zenbakia daraman gutun-estalkia batean, hauek sartu beharko ditu:**

**B.1)** Eskaintza ekonomikoa, II. Eranskinean ageri den ereduaren arabera. Horren barruan sartuko dira kontratuaren ondorioz sortuko diren era guztietako zergak eta

gastuak. Proposamenean, aparteko kontu-sail gisa adierazi beharko da jasanarazi behar den Balio Erantsiaren gaineko Zergaren zenbatekoa.

C) 3 zenbakia daraman gutun-estalkia batean, hauek sartu beharko ditu:

- C.1)** Eskainitako zerbitzuaren ezaugarriak deskribatzen dituen txosten esplikatzailea, betiere Preskripzio Teknikoen Agirian errekeritutakoari doitu beharko zaiona eta hura ebaluatzeko behar den informazioa jasoko duena.

### **11.- ESKAINTZAK AURKEZTEA.**

Hiru gutun-estalki itxitan aurkeztuko dira, eta Udaletxeko Sarreraren Erregistro Orokorrean entregatu beharko dira, lanegunetan 09:00etatik 13:00etara bitartean, lizitazioaren iragarpena Gipuzkoako Aldizkari Ofizialean argitaratzen den egunaren biharamunetik kontatzen hasi eta **HAMABOST EGUN** naturaleko epean.

Proposamenak posta bidez ere bidali ahalko dira. Kasu horretan, enpresariak justifikatu egin beharko du zein egunetan ezarri duen igorpena posta-bulegoan, eta eskaintza igorri izana egun berean iragarri beharko dio organo kontratatzaileari, telex, telegrama edo fax bidez. Bi baldintza horiek bete ezean, organo kontratatzaileak ez du proposamena onartuko baldin eta horretarako jarritako epea amaitu ondoren jasotzen badu. Nolanahi ere, adierazitako data horretatik hamar egun natural igaro badira proposamena jaso gabe, ezein kasutan ere ez du onartuko.

Baldin eta epearen azken eguna larunbata, igandea edo jaieguna egokitzen bada, hurrengo egun baliodunera atzeratuko da.

### **12.- GUTUN-ESTALKIAK JASOTZEA.**

Lasarte-Oriako Udalaren Idazkaritzan, harrera eman ahalko diote gutun-estalkietako bakoitzari, zeinetan agertuko baita eskaintzailearen izena, proposamenaren xedea, eta aurkeztutako eguna eta ordua.

Behin proposamena entregatutakoan, ezein kontzeptugatik ere ezingo da erretiratu.

### **13.- KONTRATAZIOKO MAHAIA.**

Kontratazioko Mahaia honela osatua edo eratua egongo da:

- Alkate andrea, edo zeinengan delegatzen duen zinegotzia.
- Alkatetzak izendaturiko bi bokal.
- Udaleko idazkaria.

- Udaleko Kirol-Zerbitzuko zuzendari-kudeatzailea, Mahaiko idazkari funtzioetan ariko dena.
- Udaleko kontu-hartzailea.

#### **14.- DOKUMENTUAK KALIFIKATZEA ETA AKATSAK ZUZENTZEA**

Behin eskaintzak aurkezteko epea bukatutakoan, espediente administratiboaz arduratzen den unitateak, behar diren teknikarien kolaborazioarekin, **A estalkian** sartuak dauden dokumentuak aztertuko ditu eta horiei buruzko txostena egingo dio Kontratazioko Mahaiari, zeinek dokumentu horiek kalifikatzeri ekingo baitio.

Baldin mahaiak akats materialik ikusten badu eskaintzaileek aurkeztutako dokumentazioan, eman ahalko du, egoki baderitzo, lizitatzailleak akatsa zuzentzeko epe bat, gehienez ere hiru egunekoa.

#### **15.- AURKEZTUTAKO ESKAINTZAK IREKITZEA.**

- Udalaren iragarki-taulan eta kontratatzailearen profilean argitaratuko den iragarpenean zehaztutako lekuan, egunean eta orduan, eta edozein kasutan ere eskaintzak aurkezteko epea amaitzen duen egunetik kontatzen hasi eta gehienez ere hilabeteko epean, proposamenak irekitzeko ekitaldia egingo da, eta horretarako bilduko da kontratazioko mahaiak.
- Idazkariak ekitaldiaren akta idatziko du, zeinetan fidelki jasoko baitu mahaiaren deliberazioen emaitza.
- Ondoren, mahaiak, bere proposamena formulatu aurretik, aurkeztutako eskaintzei buruz bidezko deritzen argibideak eskatuko ditu, edo beharrezkotzat jotzen dituen txosten teknikoak. Hori egindakoan, bidezko deritzon adjudikatzeko proposamena formulatuko du eta kontratuaren adjudikazioa erabaki behar duenari helaraziko dio, klausuletan seinalatutako irizpideen ponderazioa ere sartuta.

#### **16.- DOKUMENTUAK AURKEZTEA.**

Udalak adjudikaziodunari, kontratua indarrean dagoen epearen barruan, edozein unetan eskatu ahalko dizkio obligazio fiskaletan edo segurantza sozialari dagozkionetan egunera dagoela akreditatuko duten ziurtagiriak edo beste edozein agiri.

## **17.- ADJUDIKATZEKO IRIZPIDEAK.**

Lasarte-Oriako Udalak, lehiaketa adjudikatzeko, ondoren adierazten diren irizpide objektibo hauek izango ditu kontuan, garrantzi handienekotik txikienera ordenaturik:

- Eskainitako zerbitzua: 50 puntu. Atal horren barruan, garbiketako jarduerari buruz, honako hau ebaluatuko da:
  - Lana antolatzeko proposamena.
  - Instalazio bakoitzean erabiliko diren medioak.
  - Proposaturiko pertsona-ekipoa eta ordutegia.
  - Sostenguko estruktura.
- Prezioa: 40 puntu. Atal horren barruan, honako hauek ebaluatuko dira:
  - Litzitazioko prezioa hobetzea, 30 puntu.
  - Zerbitzu bereziaren orduko prezioa, 10 puntu.Kalkulatzeko, eskaintzarik hoberena aurkezten duen proposamenari esleituko zaizkio puntu gehien, eta 0 puntu lizitazioko oinarria berdintzen duen proposamenari edo zerbitzu bereziaren prezioan eskaintza txarrean aurkezten duenari; gainerakoak interpolatu egingo dira.
- Baldintzen agirietan estipulaturikoa hobetzen duten proposamenak: 10 puntu.

Irizpideak ebaluatzeko, Kontratazioko Mahaiak izendaturiko teknikarien alde aurreko txostena beharko da. Txosten teknikoan jaso beharko dira proposatzen den ebaluazio-proposamena justifikatuko duten datuak.

Kontratazioko Mahaia ez da geratuko txostenaren edo txostenen edukiari lotua. Hori horrela izanik ere, baldin eta haren proposamena bat ez badator teknikariek egindakoarekin, arrazoitu egin beharko du.

## **18.- KONTRATUAK ADJUDIKATZEA.**

Kontratazioko Organoak, Kontratazioko Mahaiaren dokumentazioa jasotakoan eta dagozkion txosten teknikoak ebaluatutakoan, kontratua proposamenik onuragarrienari behin-behinean adjudikatzeko ebazpena emango du, behar bezala arrazoitua, haren balio ekonomikoari soilik begiratu gabe.

Kontratazioko organoak, aukeran, kontratua adjudikazioko irizpideen arabera onuragarriena den proposamenari adjudikatzeko ahalmena izango du, edota lehiaketa esleitu gabe deklaratzekoa, baldin eta baldintza-agiri honetan ageri diren irizpideen arabera onartzeko modukoa den eskaintzarik edo proposamenik ez badago.

Behin-behineko adjudikazioa ezingo da behin betiko bihurtu hamabost egun baliodun igaro arte, hura kontratazioko organoaren kontratatzaile-profilean publikatzen den egunaren

hurrengotik kontatzen hasita.

Epe horren barruan, adjudikatarioak betebeharrak tributarioak eta Segurantzaren Sozialarekikoak betetzeaz den bezainbatean egunera dagoela egiaztatzen duten sinestamenduak aurkeztu beharko ditu, bai eta JEZn alta emanda egotearenak ere. Azken hori akreditatzeko, jadaneko urtaldiari dagokion alta edo JEZren azken erreziboa aurkeztuko du, zerga horren matrikulan baja eman ez duela dioen erantzukizuneko deklarazioarekin batera.

Behin-behineko adjudikazioa behin betiko bihurtzat joko da baldin eta adjudikatarioak, aipaturiko epe horretan, seinalaturiko dokumentazioa aurkeztu badu eta behin betiko bermea ezarri badu, alde batera utzirik ezen errekurtso bereziko bidean errebisatzea gerta litekeela, SPKLko 37. artikuluan xedaturikoaren arabera.

#### **19.- ADJUDIKATZEKO EPEA.**

Behin-behineko adjudikazioa gehienez ere bi hilabeteko epean xedatu beharko da, ekitaldi publikoa egiten den egunaren hurrengotik kontatzen hasita. Adjudikazioa epe horretan xedatu ezean, enpresariak eskubidea du bere proposamena erretiratzeko eta depositaturiko bermea itzul diezaioten.

Kontratazioko Mahaiko idazkariak dagozkion notifikazioak egingo ditu, SPKLko 137. artikuluan ezarritakoaren arabera.

#### **20.- KONTRATUA PERFEKZIONATZEA ETA FORMALIZATZEA.**

Kontratatzeako organo eskudunak egindako behin betiko adjudikazioaren bidez perfektionatu da kontratua.

Kontratua dokumentu administratiboan formalizatuko da, behin betiko adjudikazioa notifikatzen den egunaren hurrengotik kontatzen hasi eta 10 egun balioduneko epean, eta dokumentu hori titulu nahikoa izango da edozein erregistro publikotan sarbidea izateko.

Adjudikatarioak, alabaina, kontratua eskritura publiko bihurtzeko eskatu ahalko du. Kasu horretan, formalizazioko gastuak adjudikatarioaren kontura izango dira.

#### **21.- BERMEAK.**

Behin betiko bermea adjudikazioko prezioaren %5ekoa izango da, eta SPKLko 84. artikuluan ezarritako moduetako edozeinetan ezarri ahalko da.

Behin betiko bermea ezarri izana kontratuaren behin-behineko adjudikazioa publikatu eta hurrengo 15 egun baliodunen barruan akreditatu beharko da. Eskakizun hori ez betetzeak, adjudikatarioari lepora dakioken kausagatik bada, kontratua deuseztatzea ekar dezake.

Penalitateak eta kalte-ordainak efektibo egiten diren egunetik kontatzen hasi eta 15

egun naturaleko epean, adjudikatarioak dagokion zenbatekoan birjarri edo gehitu beharko du bermea, ezen eta, beste gainontzean, kontratua deuseztatzeko kausan inkurrituko du.

Baldin eta, kontratua modifikatzearen ondorioz, haren balio totalak gorabeheraren bat izaten badu, birdoitu egingo da bermea, aurreko paragrafoan adierazitako epean, kontratua modifikatzen den unetik kontatzen hasita.

## **22.- BERMEKO EPEA.**

Bermeko epea urtebetekoa izango da, onarpeneko edo konformitateko egunetik kontatzen hasita. Epe hori Administrazioak eragozpenik jarri gabe igarotakoan, iraungita gertatuko da kontratistaren erantzukizuna.

Kontratua kontratistarekin konplitutzat joko da hark kontratuaren xedea osorik bete duenean, hango terminoen arabera eta Administrazioaren gogara.

## **23.- ZERBITZUA EMATEKO EPEA.**

Adjudikatarioak berandutzan inkurrituko du, Lasarte-Oriako Udalak aditzera eman beharrik gabe, baldin eta prestazioa kontratuak seinatzen duen garaian egiten ez badu.

## **24.- EGIN BEHARREKO LANA BURUTZEA, ZUZENTZEA ETA IKUSKATZEA.**

Lana kontratuan estipulaturiko klausulei eta haren oinarri gisa balio duten baldintza-agiriei hertsiki loturik egingo da.

Udalari dagokio zerbitzua betetzen dela ikuskatzeko lanak egitea, era jarraituan eta zuzenean.

Adjudikazioduna obligatua geldituko da, kontratatutako lanen motari eta haiek burutzeko ordenari, moduari eta denborari dagokienez, Udalak komunika diezazkiokeen xedapen guztiak eta bakoitza betetzera.

## **25.- ESKUBIDEAK ETA BETEBEHARRAK.**

- a) Baldin eta Administrazioak, kausa justifikaturik gabe, zerbitzuaren onarpenean berandutzan inkurritzen badu, enpresariak denuntziatu egin beharko du eraginik izango badu.
- b) Kontratuaren gauzatzea kontratistaren arrisku eta menturara egingo da.
- c) Zergak, tasak edo konpentsazioak eta sor daitezkeen gainerako gastuak adjudikatarioaren kontura joango dira, eta eskaintzaren barruan sartutzat joko dira.
- d) Enpresaria obligatua dago zuzenbide laboralaren, Segurantza Sozialaren eta

Laneko Segurtasunaren eta Higienearen arloan indarrean dauden xedapenak betetzera, eta hark betebeharrak ez betetzeak ez du Administrazioarentzat inolako erantzukizunik inplikaturik. Berebat bete beharko ditu kontratua gauzatzen duen bitartean promulga daitezkeenak ere.

- e) Enpresariaren obligazioa izango da zerbitzua gauzatzeko eskatzen dituen operazioen ondorioz gerta daitezkeen kalte-galerak indemnitzatzea.
- f) Zerbitzua emateko beharrezko diratekeen lizentzia edo baimen administratibo guztiak eskuratzea adjudikatarioaren kontura izango da beti, eta bere izenean eskatu beharko ditu.
- g) Kontratututako zerbitzuei dagokienez enpresa adjudikatarioak ezagutzen dituzkeen datu guztiak konfidentzialtzat jotzen dira, eta gorde egin beharko du horien identitatea eta sekretua. Adjudikatarioak isilpe profesionalaren betebeharra urratuz gero, horrek kausaturiko kalte-galerengatik indemnitzatu beharko ditu Lasarte-Oriako Udala eta pertsona afektatuak.
- h) Adjudikatarioak gehigarriko pagamendurako eskubiderik gabe eman beharko ditu kontratua egokiro garatzeko eta betetzeko beharrezkotzat jotzen diren zerbitzuak, hala nola laneko edo informazioko bileretara joatea. Betebeharrak horrek bermeko epea amaitzen den arte iraungo du.
- i) Enpresariaren erantzukizuna izango dira emandako zerbitzuen kalitatea eta dituzkeen hutsuneak. Hautematen diren akatsak Administrazioaren agindu baten edo hark ezarritako baldintzen ondorio zuzena direnean, orduan bakarrik geratuko da erantzukizunetik salbuetsia.
- j) Enpresa adjudikatarioak Lasarte-Oriako Udalean Euskara Erabiltzeko III. Planaren arabera emango du zerbitzua. Udalak 2008ko urtarrilaren 10ean onartu zuen plan hori, hizkuntzaren erabilera arautzeko helburuarekin. Plan horretako 3.6 "Hizkuntzazko Irizpideak" atalean ezarritako helburuak lortze aldera planteaturiko proposamenen arabera, enpresak Kiroletako Zerbitzuarekin duen idatzizko nahiz ahozko erlazioa euskaraz izango da, eta eskakizun hori beteko duela bermatu beharko du enpresa adjudikatarioak. Bestalde, zerbitzua ematean enpresa adjudikatarioak herritarren esku jartzen dituen agiriak, kartelak, oharrak eta gainerako testuak bi hizkuntza ofizialetan egingo dira. Enpresa Udalaren Euskarako Zerbitzuaren lankidetzaz baliatu ahalko da herritarrei nahiz Kiroletako Zerbitzuei zuzendutako komunikazioa idatziak egiteko.

Adjudikatarioak ezingo ditu ez zeditu ez transferitu kontratutik sortzen diratekeen eskubideak, Udalaren baimen espresarekin ez bada, eta, betiere, SPKLko 209 eta 210. artikuluetan ezarritakoa bete beharko du.

## **26.- BESTELAKO BETEBEHAR ESPEZIFIKOAK.**

Adjudikaziodunak erantzukizun zibileko poliza bat kontratatuko du, zenbatekoz 300.500,00 eurokoa, Udal honekin kontratatutako zerbitzua ematek sortutako arriskuak aseguratuko dituena, eta Udalari poliza horren kopia bat eman beharko dio kontratua sinatzerakoan, bai eta, ondoren, kontzeptu horrengatik urtero ordaindutako primen erreziboen kopiak ere.

## **27.- PENALITATEEN ERREGIMENA.**

- a) Kontratua betetzeari dagokionez, kontratista obligatua dago hura burutzeko ezarritako epe totalaren barruan konplitzera, bai eta epe partzialen barruan ere, baldin eta horrelakoak ezartzen badira elkarren segidan egiteko.
- b) Baldin kontratista, berari lepora dakizkiokeen kausengatik, berandutzan erori bada epe totala betetzeaz den bezainbatean, Administrazioak aukeran erabaki ahalko du hala kontratua suntsitzea nola egunkako penalitateak ezartzea, kontratuko prezioa 1.000 euroko bakoitzeko 0,20 euroko proportzioan.
- c) Berandutzeagatik penalitateak kontratuko prezioaren 100eko 5aren multiplo batera iristen diren bakoitzean, kontratazioko organoak eskumena izango du kontratua deuseztatzeko edota hura gauzatzeko jarraitzea erabakitzeko, penalitate berriak ezarriz.
- d) Baldin eta kontratistak ez badu bete eskaintako medio pertsonalak edo materialak kontratua gauzatzeari adskribitzea, penalitateak ezarriko zaizkio, kontratuko prezioa 1.000 euroko bakoitzeko 0,05 eurotik 0,15 eurora bitarteko proportzioan, ez-betetzearen larritasunaren arabera, zerbitzua egokiro emateari dagokionez. Baldin eta kontratistak, berari lepora dakizkiokeen kausengatik, ez badu betetzen kontratuan definituriko prestazioen gauzatze partziala, Lasarte-Oriako Udalak aukeran erabaki ahalko du nahiz kontratua deuseztatzea nahiz penalitateak ezartzea, jarraian zehazten denaren arabera:  
Lehenbiziko ez-betetzeagatik, 60 €-ko penalitatea.  
Bigarren ez-betetzeagatik, 120 €-ko penalitatea  
Hirugarren ez-betetzeagatik, 250 €-ko penalitatea.  
Laugarren eta hurrengo ez-betetzeengatik, 600 €-ko penalitatea.

Prestazioen ez-betetze partzialtzat joko da betebeharretakoren bat arrazoizko epean ez betetzea.

- e) Baldin eta udaleko teknikariek hutsuneren bat hautematen badute erabilitako elementuetan, idatziz jakinaraziko diete Udalari eta kontratistari, zeinek, entzun eta gero, berriro jarri beharko baititu elementu afektatuak. Hala ere, santzio ekonomikoa ezarri ahalko zaio, ordezturiko materialen balioaren 100eko 50erainokoa izan daitekeena.

### **28.- KONTRATUA DEUSEZTATZEA.**

SPKLko 206. eta 284. artikuluetan iragarritako deuseztatzeko kausetakoren batengatik iraungi ahalko da kontratua.

Horretarako, kontratuko betebeharrak ez funtsezkoak behin eta berriro ez betetzeak kontratuko edozein betebeharrak funtsezko ez betetzearen ondorio bera izango du.

### **29.- UDALAREN PRERROGATIBAK.**

Udalaren prerrogatibak dira kontratua interpretatzea, hura betetzean sor daitezkeen zalantzak ebaztea, interes publikoagatik hura modifikatzea, haren deuseztapena erabakitzea eta horren ondorioak finkatzea, betiere Sektore Publikoko Kontratuen Legeko mugen barruan eta han ezarritako baldintzei eta efektuei loturik.

### **30.- JURISDIKZIO ESKUDUNA.**

Bide administratiboari amaiera ematen dioten akordioen aurka, administrazioarekiko auzietako errekurtsoa jarri ahalko da, jurisdikzio hori arautzen duen legean xedaturikoaren arabera.

### **31.- ERREGIMEN JURIDIKOA.**

Kontratu administratiboa ondoko hauek arautuko dute:

- a) Baldintza-agiri honetan eta dokumentazio teknikoan jasotako klausulek.
- b) Sektore Publikoko Kontratuen 30/2007 Lege urriaren 30ekoak.
- c) 1098/2001 Errege-Dekretu Legislatibo uztailaren 5ekoak, zeinen bidez onesten baita Administrazio Publikoen Kontratuen Legearen Erregelamendu Orokorra, betiere aurrekoaren aurka ez doanean.
- d) Kontratazio administratiboa erregulatzen duen eta aplikatzekoa zaion beste edozein xedapenek.
- e) Osagarri moduan, arau zibil pribatuak aplikatuko dira.

**32.- KONTRATISTAREN PROFILA.**

<http://www.lasarte-oria.org/contratacion>

## I. ERANSKINA

### **DEKLARAZIOAREN EREDUA**

#### (Pertsona naturala edo fisikoa denean)

\_\_\_ jaunak / andreak, adinez nagusia, DNla \_\_\_ zenbakikoa eta bizilekua \_\_\_ helbidean duenak, deklaratu du Administrazio Publikoarekin kontratatzeko ahalmenduta dagoela, zeren, obratzeko gaitasun osoa izanik, ez baitago sarturik Sektore Publikoko Kontratuen 30/2007 Lege urriaren 30ekoak 49. artikuluan aurreikusitako zirkunstantzietako ezeinetan, eta egunera dagoela indarrean dauden xedapenek ezarritako obligazio fiskalak eta Segurantza Sozialarekikoak betetzeari dagokionez.

Era berean, neure gain hartzen dut, adjudikatario gertatuz gero, baldintza-agiri honetan aipatzen diren dokumentuak aportatzeko konpromiso formala.

Partikularki, espresuki deklaratu du ez duela santzio irmorik jaso laneko segurtasunaren eta osasunaren arloko arau-hauste oso larriagatik, SPKLko 49 c) artikuluan ezarritakoaren arabera.

(Lekua, data eta sinadura)

#### (Sozietatea edo pertsona juridikoa denean)

\_\_\_ jaunak / andreak, adinez nagusia, DNla \_\_\_ zenbakikoa eta bizilekua \_\_\_ helbidean duenak, zeinek ordezkatzen baitu \_\_\_ enpresa, IFZ \_\_\_ zenbakikoa eta egoitza soziala \_\_\_ helbidean duena, deklaratu du bai bera bai ordezkatzen duen enpresa Administrazio Publikoarekin kontratatzeko ahalmenduta daudela, ezen eta, obratzeko gaitasun osoa izanik, ez daude sarturik Sektore Publikoko Kontratuen 30/2007 Lege urriaren 30ekoak 49. artikuluan aurreikusitako zirkunstantzietako ezeinetan, eta egunera dagoela indarrean dauden xedapenek ezarritako obligazio tributarioak eta Segurantza Sozialarekikoak betetzeari dagokionez.

Era berean, neure gain hartzen dut, adjudikatario gertatuz gero, baldintza-agiri honetan aipatzen diren dokumentuak aportatzeko konpromiso formala.

Partikularki, espresuki deklaratu du ez duela santzio irmorik jaso laneko segurtasunaren eta osasunaren arloko arau-hauste oso larriagatik, SPKLko 49 c) artikuluan ezarritakoaren arabera.

(Lekua, data eta sinadura)

## II. ERANSKINA

### PROPOSAMEN EKONOMIKOA

\_\_\_ jaunak / andreak, adinez nagusia, DNla \_\_\_ zenbakikoa eta bizilekua \_\_\_ helbidean duenak, zeinek ordezkatzeko baitu \_\_\_ enpresa (IFZ: \_\_\_; telefonoa: \_\_\_; faxa: \_\_\_),

#### DEKLARATZEN DU:

**Lehenik.** Eskaintza irmoa aurkezten duela Lasarte-Oriako kirol-instalazio municipalen garbiketako kontratua adjudikatzeko prozeduran parte hartzeko.

**Bigarrenik.** Ezagutzen dituela Klausula Administratibo Partikularren Agiria eta Preskripzio Teknikoena, bai halaber kontratu honen xede diren lanen maiztasuna eta irispidea jasotzen dituen plana, eta espresuki asumitzen dituela eta osoki men egiten diela.

**Hirugarrenik.** Errepresentatzen duen enpresak baduela gaitasun eta bitarteko nahikorik kontratua aipaturiko klausuletan eta haiekin batera doan aurrekontuan ezarritako kondizioetan bete ahal izateko.

**Laugarrenik.** Kontratua Klausula Administratibo Partikularren Agirian ezarritakoari eta eskainitako kondizioei loturik betetzera konprometitzen dela, zenbateko honetan: \_\_\_ euro (BEZa sartu gabe) eta \_\_\_ euro, Balio Erantsiaren gaineko Zergari dagozkionak (letraz eta zenbakiz). Zerbitzu berezietarako eskainitako orduko prezioa hau izango da: \_\_\_ euro (BEZa sartu gabe) eta \_\_\_ euro Balio Erantsiaren gaineko Zergari dagozkionak (letraz eta zenbakiz).

(Lekua, data eta sinadura).